

Wercke auserlesen/das es bey den Ungläubigen  
nicht solte das ansehen haben/ als solche Göttil-  
che sachen durch Zauberey vnd verbotene Künste  
verrichtet würden.

Geht nun im frieden hin/ geht hin ihr albern Leute/  
Wie; war die meinung ist/ sagt ewrer mitpursch heute/  
Das was ihr habt gesehn/ singt von der newen zeit/  
Darauff die alte Welt so lange sich gefrewt.  
Wir wollen/ auch mit euch von Herzen vns erheben/  
( Die Herzen aber wird vns Christus selber geben )  
Vnd ernstlich danckbar sein. weg aller stols vnd pracht/  
Weg alles gutt der Welt/ das keinen selig macht.  
Fort mit dem schänden thun; wir wollen bloß gedencken  
Auff dich/ Emanuel/ vns künfftig zuzulencken/  
Zu richten vnsern sinn auff deine Niedrigkeit/  
Auff das wir fähig sein der Gottheit nach der zeit.  
Wir wollen Menschenwitz vns hter nicht meistern lassen/  
Der nichts bey dir verfängt/ vnd nur zu; anck vnd hassen  
Bey Leuten anlaß giebt. Schick/ O du süßer hort/  
Vns deines Geistes krafft/ gieb das wir ja dein wort/  
Du Wort von ewigkeit/ recht lernen vnd betrachten :  
Sieb das wir alles Creuz vnd Noth getrost verachten :  
Der du auch arm vnd bloß auff diese böse Welt  
Für vns gebohren bist/ du werthes Lösegeldt.  
Hilff das wir vns in dir dem höchsten Gutte frewen/  
Vnd jetzt auff deinen Tag mit dir durch dich vernewen/  
Ziehn an ein Ehrenkleid/ vnd halten steiff vnd fest  
Den sünden den du vns anjetz verkünden lest.  
Nim auch/ du starcker Held/ von vnserm Vaterlande  
Den Cyser deiner Hand/ bind mit dem starcken bande